

Márkomeannu dáiddabáikin

Dán jagáš Márkomeanus beasat vásihit sámi dáidaga eará láhkai go leat hárrjánan. Go festivála rahpá verráha duorastaga suoidnemánu 29. beaivvi, de lea boares museašillju rievdan ođđaáiggi, sámi dáidaga ovdanbuktímii maid guovlu ii leat oaidnán guhkes áigái.

Márkomeannu 2010 hálida leat mielde sámi kultuvrra ja sámi dáidaga ovdanbuktima ovdánahttimis.

- Mii ávžžuhat festiválagussiid vánddardit rabas mielain festiválabáikkis, dadjá festiválajodiheaddji Runar Myrnes Balto.

Lihkahusak

Dán jagáš festiválaskeanġa Márkomeanus festiválagussiide lea Lihkahusak.

- Prošeakta ii leat beare oidnosis festiválaguovllus, mii maddá deavdit guovllu čappa dajahusaiguin ja čuorvumiin sámegillii, mat leat stuorra installašuvnnaid ja galbbaid hámis almmolaš báikkiin, lohpidá Myrnes Balto.

Proševtta namma, Lihkahusak, vuolgá lestadiánalaš lihkahusain mat odne ain leat lestadiánalaš oskkus. Sáni sáhtta maid geavahit čilget dan dovddu mii mángasiin lea sámi festiválas. Čalmmustahttit Ufuohhta- ja Lulli-Romssa guovlluid suopmana lea dehálaš oassi proševttas, ja buot installašuvnnat ja galbbat leat ge dán suopmanii čállon.

Eahpedábálaš válđočájáhus

Dán jagáš Márkomeannu válđočájáhus lea ovttasbargu sámi arkiteavtta Joar Nango, dáiddára Sille Storihle ja viessogálvohábmejeaddji Silje Figenschou Thoresen gaskkas. Sii dagahit dáiddajoavku Sierraoavila skovlá. Čájáhus doaibmá sorjjasmeahtun foruman fágaidrasttildeaddji digaštallamiidda huksendáidaga, hábmema ja dálááiggi dáidaga birra.

- Dehálaš oassi válđočájáhusas lea proseassa álggus lohppii. Mii eat dieđe mo loahpalaš boadus šaddá, muhto mii sáhttit gal dadjat ahte čájáhus lea ovttá láhkái dál jo álgán, dadjá Myrnes Balto.

Sihke Lihkahusak ja válđočájáhusa almmolaš rahpan lea festivála-rahpamis duorastaga suoidnemánu 29. beaivvi dii 17.00 Gállogiettis.

GULAHALLAN

Runar Myrnes Balto, festiválajodiheaddji, +47 977 73 778, runar@markomeannu.no
Ellen Berit Dalbakk, buvttadeaddji, +47 997 96 947, ellen@markomeannu.no